



सा:गु भिंगु मरिचरिया नितिं लुमंका दिसै !

लक्ष्मण गजमाल /चिलिमि'
प्रोप्राइटर

लाखा छै
LAKHA CHHEN

सोन्हुष्टे, वडा नं. १६, यै, फोन नं.: ४५६०७५८

यल मनपां फुटपाथ व पार्किङ चीकीगु यल उद्योग वाणिज्य संघया विरोध

• लहना संवाददाता

यल महानगरपालिकां लंगख्यःया पार्किङ चीकीगु खँयात कयाः ललितपुर उद्योग वाणिज्य संघं विरोध प्वंकूगु दु । वंगु मंसिर २१ गते संघं छगु विज्ञप्ति जारी यासँ विरोध प्वंकूगु खः । संघया अध्यक्ष विष्णुराज वज्राचार्य जारी विज्ञप्ति जारी यासँ विरोध प्वंकूगु खः ।

विज्ञप्तिइ विशेष यानाः व्यापारिक केन्द्र जुयाच्वंगु लंगख्यः, मंगलबजार, ग्वाको पुलचोक रुटय् फुटपाथ व्यवस्थापन लिसे ट्रफिक व्यवस्थापन याय्गुलिं माःगु संयोजन याना वयाच्वंगु धासँ उगु रुटय् यल महानगरपालिकां वैकल्पिक व्यवस्था बारे सहलह तक मयासँ पार्किङ सम्बन्धी गतिविधि अव्यवहारिक रुपय् कार्यान्वयन याःगु प्रति संघं आपत्ति प्वंकूगु लिसे ध्यानाकर्षण याकूगु दु ।

उक्तं हे विज्ञप्तिइ २०७४ सालय् जनप्रतिनिधि निर्वाचित जुयाः वय्धुकाः सम्बन्धित समुदाय, वस्तुगत संघसंस्था व स्थानीय तहलिसे सहकार्य यानाः फुटपाथ व पार्किङ समस्या ज्येकेत २०७२ सालय् संघया न्ह्यलुवाय् रात्रीकालीन पर्यटन



व्यवसाय, होमस्टे सम्बन्धी दीगो अवधारणा बारे विशेष ज्याइवः यानागु खँ नं लुमंकातःगु दु ।

उक्तं हे २०७४ सालय् न्हापांखुसीं जनप्रतिनिधि वय्धुकाः सम्बन्धित सरोकरवाला लिसे समन्वय यानाः स्मार्ट सिटी दय्केगु घोषणा याःगु खः । उगु इलय् पार्किङ व्यवस्थापनया नितिं प्रविधियुक्त स्मार्ट पार्किङया व्यवस्था याय्गु धकाः धाःगु खः । तर घोषणा याःगु न्यादँ दय्धुकाः

नं उखेपाखे माक्वः उपलब्धी मज्जु खँ नं विज्ञप्तिइ धयातःगु दु ।

तर आः वयाः यल महानगरपालिकां वैकल्पिक व्यवस्था बारे सहलह तक मयासँ अव्यवहारिक रुपय् यकःति उगु रुटय् पार्किङ निषेध याःगु खँय् सरोकारा व्यापार व्यवसायी जक मखुसँ व्यापक रुपं जन गुनासो अप्वया वनाच्वंगु दु । यल महानगरपालिकाया थज्याःगु गतिविधिं सर्वसाधारण, व्यापारी, व्यवसायी

जक मखुसे सम्बन्धित छँ थुवाःयात नं प्रत्यक्ष लिच्चः लाःगुलिं यल महानगरपालिकायात थप संवेदनशील जुइत इनाप नं यानातःगु दु ।

थुगु समस्या ज्येकेत यलया स्थानीय समुदाय, त्वाः संघसंस्था लिसे सहकार्य व सम्बन्धित निकायलिसे समन्वय यानाः वैकल्पिक व्यवस्था मिले याय्फइगु सम्भावना दुगुलिं निजी क्षेत्रया सुनुवाई स्थापित याय्त संघं पहल कदमी काय्फइगु खँ नं

न्ह्यथनातःगु दु ।

थुखे पाखे यल महानगरपालिकां निःशुल्क वा सःशुल्क पार्किङ व्यवस्थापन बारे स्पष्ट धारणा व नीतिगत परिमार्जन याय्माःगु खँयात कयाः संघं ध्यानाकर्षण याकाच्चना धयातःगु दु ।

उक्तं हे विज्ञप्तिइ २० गू वस्तुगत संघ समेतया ऐक्यबद्धताय् वंगु मंसिर २० गते यल महानगरपालिकाया मेयर चिरिबाबु महर्जनयात ९ बुँदे ज्ञापन पौ बीधुनागु खँ धयातःगु दु ।

अथे हे विज्ञप्तिइ २०७२ सालया तःभुखाय् २०७६ सालया कोभिड महामरी लिपा व्यापार व्यवसाय बांमलाकः स्यंगु व देय्था आर्थिक मन्दीया कारणं व्यवसायी थप धरासायी जुइ फइगु धासँ थःपिनिगु व्यवसाय बन्द यानाः आन्दोलनय् कुहां वयेमाःगु अवस्था ब्वलनीगु खँय् नं यल महानगरपालिकाया ध्यानाकर्षण याकातःगु दु ।

इलय् हे यल महानगरपालिकां थःगु निर्णय भिंकेगु ज्या मयात धाःसा पसः बन्द यानाः उक्रिया ताःचाः महानगरपालिकाय् लःल्हाय्गु अवस्था मवय्केत नं ख्याच्चः बियातःगु दु ।

यल दरबारय् न्हूगु प्रदर्शनी कक्ष



लहना वाःपौ/ यल दरबार सङ्ग्रहालयय् न्हूगु प्रदर्शनी कक्ष थप जुइत्यंगु दु । विश्वसम्पदा धलखय् दुथ्याःगु यल दरबार लागाय् च्वंगु सङ्ग्रहालयय् ऐतिहासिक कलाया संरक्षण व प्रवर्द्धन यायेगु तातुनाः प्रदर्शनी कक्ष थप याय्त्यंगु खः । आः स्वंगू ऐतिहासिक भवनय् प्रदर्शनी कक्ष दु । उगु भवनय् परम्परागत कला ब्यातःगु दुसा न्हूगु प्रदर्शनी कक्ष थप यायेत्यनाःगु दरबार सङ्ग्रहालयया प्रमुख सुरेशमान लाखे न धयादिगु दु ।

वय्कःया कथं अन्तर्राष्ट्रिय

सङ्ग्रहालय दिवस न्ह्यः (आः वइगु जेठ) दुने उलेज्या याय् कथं प्रदर्शनी कक्ष विस्तारया ज्या न्ह्यानाच्वंगु दु । न्हूगु प्रदर्शनी कक्षय् कलात्मक मूर्ति निर्माण याय्गु चरण प्रक्रियायात प्रदर्शनीइ तय्गु लाखे जानकारी धयादिल । त्वहं, सिं व धातुपाखेया मूर्तिकला दय्के फइगु धासँ वय्कलं मूर्ति निर्माणया पलाः पतिकं प्रक्रिया प्रदर्शनय् तय्गु खँ कनादिल । न्हूगु थप जुइगु कक्षय् यलया लोक चित्रकारं पौभा, ख्वपया इन्द्रकाजी सिल्पकारं काष्ठकला व

त्यं७ पेजय्



Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
4335491, b.arts4335491@hotmail.com

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID)/ Visiting Card
- & all kinds of press works



नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् फिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



पार्टीतय्सं थःत सुधार याय्माः

लोकतन्त्र धयागु जनमतय् आधारित शासन व्यवस्था खः। आवधिक निर्वाचनपाखें वयस्क मताधिकारया आधारय् निर्वाचित जनप्रतिनिधितय्सं लोकतन्त्रय् सरकार चले यानाच्चंगु दु। निरंकुश शासनय् जनमतया आधारय् सरकार संचालन जुइ मखु। आवधिक चुनाव नाटकीय जक जुइ। संघीय गणतान्त्रिक व्यवस्थायात आत्मसात याःगु नेपाःया संविधानं स्वंगू तहया सरकारया अभ्यास यानाच्चंगु दु। देसय् संघ, प्रदेश व स्थानीय तहया ७६१ गू सरकार सक्रिय जुयाच्चंगु दु। संविधान कार्यान्वयन लिपा निक्कःगु स्थानीय निर्वाचन २०७९ स निर्वाचित देय्या ४४ थासय् थीथी कारणं जनप्रतिनिधि खाली जुल। उगु खाली जूगु थासय् मंसिर १६ गत शान्तिपूर्ण निर्वाचन क्वचाल। फुक्क निर्वाचन क्षेत्रया लिच्चः नं वय्धुंकल। थ्व इलय् चुनाव ब्यूगु सन्देशयात कयाः चर्चा जुयाच्चंगु दु। लिपांगु इलय् सामाजिक संजालय् पुलापिं राजनीतिक दलया बारे आपालं खं न्येनेदुगु दु। गुलिसिनं ला तं नं प्वंकी। सामाजिक संजालय् छुं सतही धारणाय् थ्व उपनिर्वाचनय् सबिकया राजनीतिक दलतय् सफलता प्राप्त याय्त थाकुइगु खं न्येनेदुगु खः, तर चुनावय् वःगु लिच्चः धाःसा उक्तथं मजुल। छगू हे राजनीतिक दलया उम्मेदवारतय्सं अप्वः सिट त्याकूगु दु। दत्या न्ह्यः व आः राजनीतिक दलतय् दथुइ जूगु समीकरणया सामान्य चलखेलं छुं भचा जक लिच्चः लाकूगु दु। मतदातातय्सं पुलांगु राजनीतिक दलतय् मतदान याःगु दु। तर मत म्हो जुजुं वनाच्चंगुलिं भविष्यय् पुलांगु राजनीतिक दलतय्सं थःत सुधार याय्माःगु खने दयाच्चंगु दु। उपनिर्वाचनं कार्यशैली भिंकेगु जक मखु, सुशासनया नितीं प्रतिबद्धता प्वंकेगु, आम नागरिकया जायज गुनासोयात नं इलय् हे सम्बोधन यायेगु सन्देश ब्यूगु थुइके फइ।

दत्या न्ह्यः दकलय् अप्वः सिट त्याकूगु नेपाली कांग्रेस नं थुगु स्थानीय चुनावय् दकलय् अप्वः सिट त्याकूगु दु। आइतबाःया मतदान लिच्चः कथं कीर्तिपुर नगर प्रमुखलिसें १६ गू वडाया अध्यक्षय् कांग्रेस त्याकूगु खः। कांग्रेसलिसे संघीय सरकारय् दुगु नेपाल कम्युनिष्ट पार्टी (एमाले) छगू गाउँपालिका अध्यक्ष, २ गाउँपालिका उपाध्यक्ष व ५ गू वडा त्याकूगु खः। नेपाल कम्युनिष्ट पार्टी (माओवादी केन्द्र) छगू गाउँपालिका सभापति, निम्ह गाउँपालिका उपसभापति व छम्ह नगर उपाध्यक्ष यानाः ७ गू वडाय् त्याकाः छुं भचा उत्साह प्राप्त याःगु दु। कांग्रेस छुं नगर सभापति व उपाध्यक्ष तंकूसां समग्रय् अप्वः सिट त्याकाः अग्रता कायम याय्त ताःलाःगु खः। एमालेया अडान औसत दुसा न्हापाया चुनावय् मेमेगु राजनीतिक पार्टी त्याकूगु सिट अप्वः त्याकाः माओवादी केन्द्र उत्साहित जुयाच्चंगु दु। विपक्षी दलया गठबन्धन समीकरण थुकी ग्वाहालि याःगु विश्लेषण मेकथं मखु।

थ्व उपनिर्वाचनय् नं चिचीधंगु दलया ल्हाः खाली मजू। जनता समाजवादी पार्टी नेपालं निगू थासय् त्याकूगु दु। निर्वाचन आयोगया कथं नेपाल कम्युनिष्ट पार्टी (एकीकृत समाजवादी), राष्ट्रिय स्वतन्त्र पार्टी, नेपाल मजदुर किसान पार्टी छगू छगू सिट त्याकूगु दु। छम्ह स्वतन्त्र उम्मेदवारं नं वडा सभापतिया रूपय् थाय् दयेकेत ताःलात। मुक्कं ४४ पदया नितीं उपनिर्वाचन तय जूसां नं आइतबाः ४१ पदया नितीं जक मतदान जूगु खः।

उपनिर्वाचन लिपा दलतय्गु रणनीति



श्रीकृष्ण महर्जन नेवाः

वंगु मंसिर १६ गते जूगु स्थानीय तहया उपनिर्वाचन हरेक दृष्टिकोणं महत्वपूर्ण जुयाबिउगु दु। विशेष यानाः राजनीतिक दलतय्सं थुगु निर्वाचनयात अर्थपूर्ण जक मखु थःपिनिगु राजनीतिक लाइन आः गुगु कथं यंकेगु धइगु सवालय् तर्क योजना दयेकेत तिबःया रूपय् काःगु दु। पिने धाय्त ला फुक्क हे राजनीतिक पार्टीतसें थःथःगु पक्षय् जनमत वःगु अले आः जनताया मतया आधारय् हे न्ह्याःवनेगु धकाः धाःगु दु। २०८४ सालय् आम निर्वाचन जूवनाच्चंगु अवस्थाय् उकियात थःपिनिगु मिसन कथं दलतसें नाला वनाच्चंगु दु। फुक्क धाइथें राजनीतिक दलतसें थ्व इलय् मिसन ८४ धाय्गु यानाच्चंगु दु। उकिया अर्थ आः वइगु ८४ सालय् जुइगु आम निर्वाचनय् थःपिं हे संसदनिसें प्रदेश व स्थानीय सरकारय् तर्क बहुमत वइ धकाः दावी याय्गु अले उकिया नितीं हे थःपिसं तयारी याय्गु धयाच्चंगु खनेदु। २०८४ सालया नितीं नमुना चुनावया रूपय् वंगु मंसिर १६ गतेया चुनावयात नालाः मिनि मिसन ८४ धकाः काःगु खः। उर्क फुक्क हे प्रमुख राजनीतिक दलतपाखें थुगुसी उपनिर्वाचनय् तसकं ध्यान तया फुक्क पार्टीया हे केन्द्रीय स्तरया नेतात तर्क परिचालन याःगु खनेदु। थःथःगु कथं परिचालन याःसां अन्ततः जनतातय्गु मत वःगुयात स्वल धाःसा प्रमुख राजनीतिक दलया नेतात प्रति आकर्षण भन भन म्हो जुयावंगु स्पष्ट जूगु दु।

उपनिर्वाचनया मत परिणाम

थुगुसी मंसिर १६ गते उपनिर्वाचन न्ह्यः हे स्वंगू पदय् निर्विरोध निर्वाचित जूगु खः। उर्कइ ओखलढुंगा व कैलाली जिल्लाया जिल्ला समन्वय समिति प्रमुखये नेपाली कांग्रेसया उम्मेदवार टेकराज भट्टराई व टीका कुमारी चौधरी (भुल) निर्विरोध निर्वाचित जुयादीगु खःसा अथे हे रूकुम (पूर्वी भाग) या पुथा उत्तरगंगा गाउँपालिका वडा नम्बर २ या वडा अध्यक्ष पदय् नेपाल कम्युनिष्ट पार्टी माओवादी केन्द्रया उम्मेदवार जगत घर्ती निर्विरोध निर्वाचित जुयादीगु खः। मंसिर १६ गते ४१ पदया नितीं जूगु उपनिर्वाचनय् नेपाली कांग्रेस छगू नगरपालिकाया मेयर व १६ वडागू वडा अध्यक्ष पदय् त्याकूगु दुसा नेकपा माओवादी केन्द्र छगू गाउँपालिकाया अध्यक्ष, निगू गाउँपालिकाया उपाध्यक्ष, छगू नगरपालिकाया उपमेयर व ७ गू वडा (सर्वसम्मत सहित) नापं त्याकूगु दु। अथे हे नेकपा एमाले छगू गाउँपालिका अध्यक्ष, निगू गाउँपालिका उपाध्यक्ष व ५ गू वडाया वडा अध्यक्ष त्याकूगु दु। अथे हे जसपा नेपालं २, रास्वपां १, एकीकृत समाजवादीं १, नेमकिपां १ व

स्वतन्त्र उम्मेदवारं छगू थासय् त्याकूगु दु।

गन छु दल त्यात ?

नेपाली कांग्रेसपाखें मुक्कं यानाः भिन्हय्गु पद त्याकूगु दु। मेयर-कीर्तिपुर नगरपालिका, वडाध्यक्षत हेटौडा उपमहानगरपालिका, मुसिकोट नगरपालिका १, कीर्तिपुर नगरपालिका १ व ४, भीमदत्त नगरपालिका ६, ठाकुरबाबा नगरपालिका ४, गढी गाउँपालिका ६, राजपुर नगरपालिका ६, सूर्मा गाउँपालिका ४, रुन्टीगढी गाउँपालिका ४, ईशनाथ नगरपालिका ७, सानीभेरी गाउँपालिका ५, पूर्वीचौकी गाउँपालिका ६, लालीगुराँस नगरपालिका ८, दुहुँ गाउँपालिका ५, कुसे गाउँपालिका ७ त्याकूगु खः।

नेकपा माओवादी केन्द्रपाखें भिंछगू पद त्याकूगु दु। गाउँपालिका अध्यक्ष-ग्रामथान गाउँपालिका, उपमेयर-नलगाड नगरपालिका, उपाध्यक्ष-सर्केगाड गाउँपालिका, पुथा उत्तरगंगा गाउँपालिका, वडा अध्यक्षपिं ककनी गाउँपालिका २, त्रियुगा नगरपालिका १२, धनुषाधाम नगरपालिका १, गोरखा नगरपालिका ५, त्रिपुरासुन्दरी नगरपालिका ५, बेलका नगरपालिका ९, पुथा उत्तरगंगा गाउँपालिका २ (निर्विरोध) त्याकूगु खनेदु।

नेकपा एमालेपाखें च्यागू पद त्याकूगु दु। अध्यक्ष-महाबु गाउँपालिका, उपाध्यक्ष-गौरिशंकर गाउँपालिका, उपाध्यक्ष-स्वामीकार्तिक खापर गाउँपालिका, वडा अध्यक्षपिं शुद्धोदन गाउँपालिका १, रामगोपालपुर नगरपालिका २, दुल्लु नगरपालिका १२, मोलुङ गाउँपालिका ५, सिरिजङ्घा गाउँपालिका ३ त्याकूगु दु।

जसपा नेपालपाखें निगू पद त्याकूगु दु। वडा अध्यक्षपिं डाक्नेश्वरी नगरपालिका १ व डाक्नेश्वरी नगरपालिका ४ सं त्याकूगु खःसा राष्ट्रिय स्वतन्त्र पार्टीपाखें यें महानगरपालिका वडा नं. १६ या वडा अध्यक्ष पद अले एकीकृत समाजवादीपाखें वडा अध्यक्ष-गढीमाई नगरपालिका ८, नेमकिपापाखें वडा अध्यक्ष-तिलागुफा नगरपालिका ४ व स्वतन्त्र कथं वडा अध्यक्ष-कन्काई नगरपालिका ६ सं त्याकूगु खनेदु।

दकलय् अप्वः माओवादी उत्साहित

थुगुसीया उपनिर्वाचनय् तुलनात्मक रूपय् न्हापासिबें अप्वः थप पदय् माओवादी केन्द्र त्याकूगु दु। अथे हे कांग्रेस नं थःगु फुक्क पद सुरक्षित याये मफुसां सन्तोषजनक हे खने दु धकाः धाय्गु यानाच्चंगु दु। एमालेयात धाःसा न्हापाया तुलनाय् म्हो जक मत वःगुलिं खास हे उत्साहित जुइगु अवस्था खनेमन्त। मेमेगु दलयात नं खास हे यक्व लिच्चः लाःगु खनेमदु। अयूनं फुक्क राजनीतिक दलतसें हे थुगुसीया उपनिर्वाचन थःपिंत उत्साहित हे याना बिउगु दु धकाः सार्वजनिक रुपं अभिब्यक्ति बिउगु खनेदु। थुगु हे अवस्था कथं वन धाःसा फुक्क दलत ब्यागलं ब्यागलं कथं चुनाव ल्वाइगु अवस्थाय् अर्थात एमाले व माओवादी केन्द्र ब्यागलं ब्यागलं चुनाव ल्वात

धाःसा वइगु ८४ सालया आम निर्वाचनय् नेपाली कांग्रेस दकलय् तःधंगु दल हे कायम जुइगु निश्चित दु धकाः तर्क मनूतसें धाय्गु यानाहःगु दु।

याकःयाकः धाःसां गठबन्धन

थुगुसीया उपनिर्वाचनय् कांग्रेस, एमाले, माओवादी केन्द्रपाखें याकःयाकः चुनाव ल्वाय्गु धकाः घोषणा याःगु जूसां नं अन्ततः छगू थासय् धाःसा सत्तारुढ गठबन्धन नेपाली कांग्रेस व एमाले जाना चुनावय् ल्वाःगु जूसां नं इपिं परिाजित जूगु दु। रूकुम पूर्वया पुथा उत्तरगंगा गाउँपालिकाया उपाध्यक्ष पदय् अज्वःगु परिणाम वल। कांग्रेसया सिमा चुनाव चिं कया एमालेया उम्मेदवार चुनावय् ल्वाःगु खः। कांग्रेस व एमाले गठबन्धन याःगु खः। तर चुनावय् धाःसा माओवादी केन्द्रयाम्ह हे त्यात। अथे हे किपू नगरपालिकाया मेयर व वडा अध्यक्ष पदया नितीं माओवादी केन्द्र असोक राईया नेतृत्वया जसपा व एकीकृत समाजवादीलिसे गठबन्धन याःगु जूसां नं नेपाली कांग्रेस हे त्यात। थुकिं छु स्पष्ट जू धाय्बलय् आःया नितीं २०८४ सालया आम निर्वाचनय् याकः याकः चुनाव ल्वाय्गु धाःसां नं अन्तत कांग्रेस, एमालेया दथुइ अले माओवादी मेमेगु दलया दथुइ गठबन्धन याइगु संभावना मदु धकाः धाय्फइगु अवस्था मदु। दलतसें थःपिनिगु कार्यकर्तायात क्रियाशिल याय्गु नितीं अन्तिम इलय् तक नं याकः याकः चुनाव ल्वाय्गु हे धयाच्चनीगु अवस्था वइ धकाः धाय् फु।

परिणाम हिला वल

थुगुसीया उपनिर्वाचनया परिणामयात स्वल धाःसा राजनीतिक दलत हिला हिला अप्वः थासय् चुनावय् त्याकूगु खनेदु। न्हापा त्यानाच्चंगु दलयात त्वःताः मेगु दलयात हिलेगु तर्क याःगु खनेदत। थुकिया अर्थ धइगु मतदातातसें दल व उम्मेदवार हिला हिला चाहाना यानाच्चंगु अर्थात विकल्प मालाच्चंगु संकेत खः धाय्फइ। विशेष याना गां गामय् जक मखु शहरय् तर्क थीथी कथंया प्रभावत लाकूगु खँय् सुयां निगू मत दइमखु। उर्क आः ८४ सालया आम निर्वाचनय् ला अभ् अप्वः मतादातसें बिचाः हिला वनीगु नापं राजनीतिक दलतसें नं थःपिनिगु योजना दय्का वनीगु अवस्था वइ।

उपचिर्वाचनया आधारय् योजना

थुगुसीया उपनिर्वाचनं गुगु कथं परिणाम बिल उकिया हे आधारय् आः थःपिनिगु योजना दय्का न्ह्याःवनी राजनीतिक दलत। उकिया नितीं आवनिसें हे पार्टी कमिटी परिचालन याय्गु, जनताया मुद्दा ज्वनेगु नापं कन्हय्या नितीं चुनावय् त्याइम्ह मनूत ल्यय्गु लगायतया ज्या जुइ। थुगुसीया चुनावया नीतिजायात छगू कथं जनताया म्याण्डेतयात रूपय् नाला दलत वनीगु अवस्था वइ। मतदात गुखेपाखे दु ? मतदाततय् गुगु कथं सालेफइ धकाः हे राजनीतिक दलतय्गु ध्यान केन्द्रीत जुइ। अले न्ह्यागुसां चुनावय् त्याकेगु कथंया कुतः याना वनीगु स्वाभाविक हे खः।

[illegible]

योमरि : थीथी किम्बदन्ती



सन सायति

नेपाल संवत् कथं लयल्य पतिकं वैगु पुनि मध्ये थिलाथ्व पुनिहात योमरि पुनि धाइ । थ्व कुन्हु प्वचुया योमरि दय का हाया हासि वा धकिइ तयाः धुकुतिइ वा भकारि वाया द्यःने स्वना पुज्याइ । छ्वचुया थीथी मरि (नसा) दय्के ज्यू थें जाकिचुया नं थीथी मरि चतांमरि, जाकिमरि, योमरि, सेल आदि दय्की । सकसित यःगुलिं यःमरि जुगु धाइ । थुगु नखः बुँज्यालिसे स्वानाच्वंगु दु । दैयदसं असारं सिन्हाज्या याइ । कार्तिक मंसिरपाखे वा लयाः भकारिइ स्वथनी । स्वन्तिबलय लक्ष्मीद्यः पुज्याबलय द्यःयात न्ह्यु वा छाइ ।

योमरि पुनिबलय न्ह्यु वाया जाकि क्यली । प्वचुया थःगु कथं अष्टमंगल, थीथी पशुपन्थि, गनेद्यः, मायः, बायः, धनप्व, बसजा ज्वलं, भुतुज्वलं लिसे योमरि दय्का स्वनाः पुज्याइ । त्यछिंत्यः प्ववःपित वा, धेबा व योमरि इनाः थःपिसं नं नइ । स्वंगु योमरि प्यन्हु दुखुन्हु गुम्हेसिनं कन्हय कुन्हु प्रसादया रुपय इना नइ । थुकुन्हु यलया गोभ्राटेश्वर महाद्यः छायाः सुनागु (सुनाकोथि) या भृङ्गोरेस्वर महाद्यः, सक्कय गणेद्यःया जात्रा याइ । गोभ्राटेश्वर महाद्यःया जात्राय छैखापितं चाकु मतःसे प्वचुया छः तक्कय मायः दयेकाः कँय्या भुइ जाकि छमना व डलब तयाः द्यःयात छाइ । भ्वंतय धनेस्वर महाद्यःया थाय मेला हनी । यलया तःबहाः -बुंगद्यः बहाः) या ध्वाकाय च्वमह बलभद्र (बलबल जुजु) यात योमरि लुनाः द्यः पुज्याइ । यैय मच्छेगामय च्वपिं धिनाच्व माजु मच्छे नारायण द्यःया पुखुलिइ म्वःलहुया पीगं विष्णुदेवीया दर्शन याः वइ धैगु जनविश्वासं धिनाच्वय मेला हनी ।

न्हू दुहां वःगु वाया जाकिचुं लहुयाः छैय छैय योमरि, ल्वहंचा मरि हायाः नखः हनी । छैयापिं सकलें मिस्त मुनाः जाकि चुनय क्वालः तयाः न्हाबुक्क न्हायाः च्वला पतिनं ध्यु ध्यु ह्वः दयेकाः चाकु, हाम्वः, दाय कातःगु तयाः प्वाःतिनाः योमरि दय काः हासि वा बाताय भालिचा तयाः हाइ । सकसिनं थःथःगु ल्हाःया ज्या क्यनाः फ्याफत्तले बांलाक योमरि दय की । बुइवं प्वालाप्वाला थीमा धकाः हासां गाली ।

चैत्य बालूगु योमरि ज्याइबलय च्वका गुलि लुइकाः प्वःका पाखे पुति हाकयुकी । योमरि पुनि निसें निहं ताहा जुइगुलिं योमरिया च्वका गुलि ताहा जुल उलि हे निहं ताहा जुइ धाइ । द्यःयात छायत योमरिइ चाकु व हाम्वः हे तयमाः । अथे हे न्यागः आखे तयाः दयका नं छायगु याइ । योमरि पुनि कुन्हु कू पूजा यायबलय मायः बायः,

महय नायः, महय नकिं, धनप्वः, गनेद्यः आदि दयका हायाः वा कुथिइ स्वनाः सम्हय धाला छानाः ल्वहंचामरि, योमरि छानाः द्यः पुज्याइ । त्यःछिंत्यः प्ववःपित वा, धेबा लिसे योमरि बी । द्यःयात छानाः थम्हं नं नइ ।

छैय छैय न्ह्यु जाकि क्यलाः योमरि दयकाः हायाः धुकुतिइ स्वनाः पुज्यायेमाःगु बारे 'रत्नवदाने बुद्ध वचनय' च्वयातःगु किम्बदन्ती थथे दु, 'थिला पुनि कुन्हु सुथय कुबेर तःसि छः ज्वनाः पाञ्चाल देश (पन्तिइ) य च्वमह सुचन्द्र महाजनया निम्हत्यपु गरिब प्रति गुलित भक्ति दु धकाः स्वयत प्वगिया रुपय प्ववल । महाजनया कलाः सुशीलवर्ति इयालं क्वस्वःबलय खनेवं कुहां वयाः उम्ह प्वगियात थत हयाः आसनय प्यतुकल । भिंगु वसः छजु पुंका साःगु भिंगु नसा न्ह्यच्याकाः 'सन्तोष जुयाः बिज्याहुँ' धकाः बिन्ति यात । भेषधारी कुबेर 'धन्य ! धन्य !! छंगु शील स्वभाव, नम्र, करुना चित्त खनाः जिं सन्तोष जुइ धुन । जि मेम्ह मखु कुबेर खः' धकाः थःगु रुप दर्शन बियाः छुं ज्ञान बुद्धि नं कनाः थम्हं ज्वनावःगु बीजपुर (तःसि) बियाः अनसं तुं अन्तर्धान जुल ।

ज्याय वनाः लिहां वम्ह थः भाःतलिसे सल्हाः साहुति यानाः कुबेर याःगु वचन कथं हाम्वः, चाकु तयाः योमरि दयकाः बहनी अन्न स्वथनेगु धुकुतिइ कुबेर व तःसि नापं तयाः पुज्याय सिधयवं अन्न, द्रव्य व मरि दान बियाः थःपिसं नं नल । प्यन्हु दुखुन्हु उलाः स्वबलय तःसि लुँवारा जुयाच्वन । थुपिं नांजाःपिं महाजन जुल ।



बलभद्रयात छाया पुज्यात धैगु किम्बदन्ती :

जुजु वृषदेवया राज्य विशाल नगर (नरः दे) मिं नयाः ध्वस्त जुइवं वसपोलं यलया शंखमूलय १६ मह भैलःद्यः छ्वाखेरं चाहुइकाः श्री मतली नगर दयकल । लिपा जुजु म्हं मफयाः ताः ई तक बेहोस जुयाच्वन । छन्हु यमदूततयसं द्रकाः छुं मचाम्ह जुजुयात यमलोकय यंकल । जुजुं पञ्चापाणी लोकेश्वर (बुंगद्यः) या दर्शन याय खन । ई मत्ययवं यमलोकय हःगु सीवं यमराजं लिता छ्वया हल । छुं हे मचाम्ह जुजु होसय वयवं तुरुन्त पञ्चापाणी लोकेश्वरया मूर्ति दयकाः जीवकाछि लोकेश्वरया भक्ति भाव यानाच्वनेगु मन्तुनां थः काय बालार्चन देवयात राज्य त्वःताः बिल ।

उगु इलय मनूतयसं बुँज्या मयासे अथे सःगु सिसाबुसा, सकि, हिसकि व तरुल नयाः म्वानाच्वन । पृथ्वी धर्ती मां खः, भूमिइ पाल धायवं मांयात पाःगु

सरह खः । पापं कइ, बुँ पाःम्ह याकनं सी धैगु जनविश्वासं सुनां नं बुँ मपाः । जुजु बालार्चन देवं थःगु राज्यय अन्न - वा) पीत इनाप यात । तर, सुं नं तयार मजुइवं अन्तय साहसी ल्यायम्ह बलभद्र थःगु ज्यानया पर्वाह मसाये दे व जनताया सेवा यायत ज्यान वंसा बुँ पाले धकाः न्ह्यचिल । वं यल लायकूया दक्षिण पश्चिम थसिख्यलय बुँ पालाः वा सय कल । नेपालभाषाय 'थसि' या अर्थ सीसां सित वा ज्यान वंसावन धैगु खःसा ख्यःया अर्थ खुल्ला थाय वा चौर खः । सीसांसित बुँ पाले धकाः प्रतिज्ञा यानाः पर्ती जग्गा पाःगु थाय थसिख्यः धाइ । तर दुःखया खँ थम्ह हायकूगु हिचःतिया फल गय च्वं धैगु सवाः काय मखंक व सिनावन । थुकथं वैगु साहसयात च्वछायत जुजुं वैगु मूर्ति दयकाः गुथि तयाः थिला पुनिहकुन्हु योमरि लुनाः द्यः पुज्यायगु थिति दयका बिल । योमरि पुनिह कुन्हु विशेष यानाः ज्यापुतयसं बलभद्रयात श्रद्धाभाव तयाः न्ह्यु जाकिचुं लहुयाः योमरि दयकाः हायाः छाना पुज्याइ । जन्म निहबलय मस्तयत योमरि माः क्वखायकाः योमरि लुइगु धैगु थः मस्त नं भविष्य बलबल जुजु थें परोपकारी व अन्नदाता जुइमाः धकाः मनं तुनेगु खः ।

योमरि पुनिहकुन्हु तिमिला जहां थियाच्वनी, छैय छैय वनाः 'त्यछिं त्यः' प्ववनी । त्यछिंत्यः प्ववःपित हायातःगु योमरि, वा, जाकि, धेबा आदि थःगु श्रद्धा कथं दान बी । भी पुर्खापिसं थः जक नय मज्यू इनाः नयमाः धैगु खँ स्यनावंगु दु । थ्व नेवाः दर्शन खः । न्हू दुहां वःगु वा कुथिइ स्वनाः अन्नपूर्ण (गृहलक्ष्मी) थीर जुइमाः धकाः योमरि

स्वनाः समयबजि छानाः पुज्यायगु तान्त्रिक पूजा खः ।

जाकिचुंया छाया योमरि दयकेमाः धैगु खँय छक्क दुवाला स्वयबहः जू । स्वन्ति इलय अप्वस्यां बुँज्या याइगुलिं थम्हं सयकाःगु अन्न नखःबलय छ यली । गथेकि भ्वय नयत बजि, थीथी बुबः, वाउँचा, वः, चतांमरि छुनाः थीथी घासा ताःलाकाः भ्वय नयाः नखः हना न्ह्याइपुकेगु खः । योमरि पुनिबलय धुकू व भकारि जायक वा दयाच्वनी । आर्थिक अवस्था बल्लाइगुलिं गुथि नं हनी । थुगु नखः मंसिर पुसपाखे हनिगुलिं थुगु इलय तसकं चिकुसे च्वनी । उकिं योमरि दयका नयाः मह क्वाकेत स्वइ । योमरि दुने च्वंगु हाम्वलय प्रोटिन व चिल्लो पदार्थ दइ । चाकुइ चिनी ग्लुकोज, जाकिइ कार्बोहाइड्रेट दुगुलिं छुं ज्या यायत शक्ति बी । भीगु स्वास्थयात बांलाका तइ । चिकलाय मह क्वाकातइगुलिं थुगु नखतय वैज्ञानिकता सुलाच्वंगु खनेदु ।





न्हयगां जात्रा म्ये



बःखुमलः अष्टमी वल
लालपाति स्वां हवल
न्हयापुगु न्हयगां जात्रा
स्वः भासँ न्हां ।

बालकुमारी, विष्णुदेवी, इन्द्रायणी दर्शन याय्
सुख शान्ति मनं तुनाः ताय् सिन्हः चौमरि छाय्
तःखाः तयाः भवय् नके नखत्या भासँ न्हां
न्हयापुगु न्हयगां जात्रा स्वः भासँ न्हां ।

धिन्च्व क्वसं किपू, पांगा, नगां, तापूख्यः, मछिगां
बःखु च्वसं सिंर ल्हवखा सतुंगः व बोसिगां
भःभःधाःगु नेवाः गामय् चाःह्यु भासँ न्हां
न्हयापुगु न्हयगां जात्रा स्वः भासँ न्हां ।

छवय्लाभूया छवय्ला नय, मूया खुन्हु घः ब्वय्
सिन्हःयाःया देयसाः खुन्हु देखः ब्वाकाः हइगु स्वय्
मन तय्क भीगु नखः हं भासँ न्हां
न्हयापुगु न्हयगां जात्रा स्वः भासँ न्हां ।

च्वमि : लोककवि राजभाइ जकःमि
लय् : रीता महर्जन

यःमरि म्ये

थिंलाया चिकुलां
सर्गः चक्कं तिमिलां
भललल भीगु देश थिनाच्चंगु दु
यःमरि पुन्ही थौं
न्हगु वा पुज्याइगु थौं
जललल तजिलजि थिनाच्चंगु दु



आर. मानन्धर

थःत जक मखु रे
सकसितं इनेत
लसताया यःमरि छुनाच्चना भी
धनं जक मखु न्हि
नुगलं तःमिपिं
अजाअजिं तजिलजि स्वनावंगु दु

त्यःछिं त्यः, बकछिं त्यः
लातापाता कुलिचां जुसैं त्यः

यःमरि चक्का लू
च्वापुगुंया बाना लू
थ्व हे मरिइ नेपाल देय् लुयाच्चंगु दु
तुय्दुने हाकु
सवाः चाकु माकु
यःमरिइ जीवन हे सुलाच्चंगु दु

त्यःछिं त्यः, बकछिं त्यः
लातापाता कुलिचां जुसैं त्यः

केन्द्रया बजेट किपु नगरपालिकाय् हय्गु जुइ

वंगु मंसिर १६ गते स्थानीय तह उपनिर्वाचनय् किपु नगरपालिका मेयर पदय् निर्वाचित जुयादीम्ह नेपाली कांग्रेसया उम्मेदवार कृष्णमान डंगोल वय्कःया कार्यकालय् किपुया विकास निर्माण निसें थीथी विषययात कयाः लहना वाःपौ पाखे यानागु खल्हाबल्हा सत्पादित अंश न्हयब्वयाच्वना ।

➡ **स्थानीय तहया उपनिर्वाचनय् मेयर पदय् निर्वाचित जुयादिल । दकलय् न्हापां भिन्तुना ।**

सुभाय् लहना वाःपौया सकलें जःयात ।

➡ **छि निर्वाचित जुइधुंकाः न्हापांगु ज्या छु जुइ ।**

जिं वंगु शुक्रवाः पदभार ग्रहण यायेधुंकाः जिं चुनावया इलय् बाचा याना थें जिगु न्हापांगु ज्या विष्णुदेवी अस्पतालयात नीप्यधौ आकस्मिक सेवा बी धकाः धयागु खः जिं पदभार लिपा यानागु न्हापांगु निर्णय थ्वहे खः । अनं लिपा किपुया खेलकूद ग्राउन्डयात दयेकेगु जिगु प्राथमिकता दु । वयां लिपा त्वेनेगु लःयात कयाः सहलह ब्याकेगु जुइ । जि निर्वाचित जुइधुंकाः धन्यवाद ज्ञापनया इवलय् नं गनं गनं यक्व लः वनाच्वंगु दुसा गनं गनं म्हो जक लः वनाच्वंगु दु । विशेष यानाः जिं लःयात कयाः सल्यानथाय् व ट् यांग्ला फाँटय् ध्यान बीमाःगु दु । मेगु २०८१/८२ या बजेटयात कार्यान्वयन याय्गु पाखे वनेगु जुइ । अनं लिपा नगरपालिकाय् छु छु फाइलत दु उकिया अध्ययन याय्गु जुइ ।

➡ **किपु नगरपालिकाय् भ्रष्टाचार अप्वया च्वन धइगु खँ वयाच्वंगु दु । उकियात निर्मुल याय्त छिगु योजना छु दु ?**

भ्रष्टाचार दु धकाः हल्ला न्यना । तर गुकथंया भ्रष्टाचार दु धकाः अन दुहां वनेवं जक सी दइ । दकलय् न्हापां भ्रष्टाचार निर्मुल याय्गु धइगु नगरपालिका दुने सुशासन कायम याय्गु धकाः जिं धया वयाच्वनागु खः । थ्व ज्यां जिं इमान्दारी कथं याय्गु जुइ । वयां लिपा भ्रष्टाचारयात म्हो यानाः निर्मुल याय्गु खः । नगरपालिकाय् दुहां

वनेसाथं पूर्वक भ्रष्टाचार निर्मुल याय्फइ मखु । छाया धाःसा जिके जादुया छडी ला मदु । जिं नगरपालिकाय् वनेधुंकाः जिगु पलाः छु जुइ धाःसा अनया कर्मचारीतय् छगू कथं मोटिभेसन याय्गुया लिसे विश्वासय् कयाः ज्या याय्गु जुइ । उकिया नितिं जिं थीथी शाखा प्रमुखत लिसे सहलह याय्गु जुइ । अथे हे वडा अध्यक्षत लिसे कार्यकालिकाया दुजःत लिसे सहलह यानाः समस्या म्हासिका उकियात समाधान याय्गु जुइ । थुकथं वनेबलय् जिं स्वयं भ्रष्टाचार म्हो जुइगु विश्वास जिं कयाच्वना ।

➡ **चुनाव न्हयः नं छिं विष्णुदेवी अस्पतालयात नीप्यधौ आकस्मिक सेवा बीगुया लिसे स्तर उन्नती याय्गु धकाः धयादीगु दु । उकिया नितिं गुकथं पलाः न्ह्याकादी ?**

अस्पतालया स्तर उन्नतीया नितिं दकलय् न्हापां सुविधा सम्पन्न आकस्मिक सेवा न्ह्याकेगु जुइ । अनं लिपा गथे यानाः वनेगु धकाः सहलह ब्याकेगु जुइ । जिं ला १५ बेडया अस्पताल दय्केगु धइगु आःया जक मखुया न्हापानिसेया म्हास खः । जिके म्हो जक ई दु । मेता खँ अस्पताल स्तर उन्नती याय्त बजेटया व्यवस्था याय् माल । अनं लिपा थाय्वा व्यवस्था याय् माल । अथे ला थाय् जिं स्वयाच्वनागु दु । उकियात सम्भौता याय्मालेफु । अस्पताल स्तर उन्नती याय्गु ज्या न्ह्याइ । निदँया दुने पूर्वकेगु कुतः जिगु पाखे जुइ । जिगु प्राथमिकता धइगु हे शिक्षा, स्वास्थ्य, त्वेनेगु लः जूगुलिं बजेटय् उकियात हे प्राथमिकता बीगु जुइ ।

➡ **किपु नगरपालिका राजधानी लिक्क लाःसां नं माक्व विकास निर्माण**



मजू धकाः धाय्गु यानाच्वंगु दु । विकास निर्माणया नितिं छिगु योजना छु दु ?

किपु नगरपालिका येँ महानगरपालिकाया ४/५ किलो मिटर जक तापागु थाय् खः । अफ् चक्रपथं स्वयेगु खःसा २ किलोमिटर जक तापाक खः । किपुली विकास हे मजू धकाः जिं धाय्मखु । थन भौतिक निर्माण आपालं जुयाच्वंगु दु । तर पर्याप्त मजुयाच्वंगु दु । थुकथं मजुयाच्वंगु कारण धइगु केन्द्र सरकारया बजेट, प्रदेश सरकारया बजेट थन मवयाच्वंगुलिं खः धइथें जितः ताः । आं जिं प्रदेश सरकारया बजेट व केन्द्रीय सरकारया बजेट किपुली दुकाय्गु कुतः जिं याय्गु जुइ । अथे धइगु सिंहदरबारयात किपुली हय्गु जिगु कुतः जुइ ।

➡ **किपू नगरपालिकाया बजेट म्हो जक दु । अथे धइगु १ अर्ब ३० करोड जःखःया बजेट दु । थ्व बजेट अप्वय्केत छिगु छु योजना दु ।**

मू ला आन्तरिक कर हे खत । कर नं गुलिखें जनता अप्वः धकाः धयाच्वंगु दु । करया बारे अध्ययन यानाः म्हो याय् जिउगु थासय् म्हो याय्गु । अप्वय्केगु जिउगु थासय् अप्वय्केगु खः । वैज्ञानिक ढंगं करयात परिमार्जन याय्गु खः । आन्तरिक रिसोर्स ला म्हो हे जक खः । अथेजुयाः जिं बः बीगु धइगु केन्द्रीय सरकारया

राष्ट्रिय स्तर बजेट थन दुकाय्गु खः । अथे हे प्रदेश सरकारया ततःधंगु योजना दुकाय्गु खः । फयांफछि जनतायात आर्थिक भार मलाक ज्या याय्गु जिगु सोच खः ।

➡ **नकतिनि क्वचाःगु स्थानीय तहया उपनिर्वाचनय् पार्टीया महामन्त्री गगन थापां आईटी सम्बन्धी गुगु न्ववानादिल । सामाजिक सञ्जालय् टोल नं जुल । वय्कःया धापूयात फुलफिल याय्त छिगु योजना छु दु ?**

महामन्त्री गगन थापां गुगु न्ववानादिल । व तःधंगु खँ मखु । जि शिक्षाय् क्षेत्रय् २६/२७ दँ निसें न्ह्यानाच्वनागु दु । वय्कलं गुगु आईटीया खँ ल्हानादिल । थौकन्हय् आईटीया माग ला यक्व दु । उकथं हे आईटी कमे यानाच्चीपिं ल्याय्म्हत नं यक्व दु । निगू प्यंगू लाख जक मखु करोडौं कमे यानाच्वंगु खँ नं जिं न्यनागु दु । नेपालय् अज्याःम्ह छम्ह मचाया अर्न्तवार्ता नं जिं न्यनागु दु । भिंस्वदं भिंप्पदं दुम्ह मचां विदेशीतय् लक्चरल बियाच्वंगु स्वयागु दु । जितः व मचाया नां त्वःमन । यदि थन बेस लेबलं निसें आईटीया नलेज बिया वनधाःसा खुदँ न्हयदँया दुने उपिं दक्ष जुइ । अले उमिसं कमे याय्फइ धकाः धाःगु खः । तर उकियात नेगेटिभ कथं काय्गु ज्या जुल । महामन्त्रीया धापूयात पोजिटिभ व नेगेटिभ वःसां नं थुकिं किपुयात संसारय् म्हासिकेगु

ज्या जुगु दु । आईटी सम्बन्धी गुगु खँ वल थ्व ज्या जुइगु सम्भावना नं दु । अथेजुयाः थुकियात कयाः जिमिसं कुतः याय्गु जुइ ।

➡ **स्ववासीया लालपूर्जा मदुगु धइगु खँ वयाच्वंगु दु । थ्व समस्या ज्यंकेगु नितिं छिं गुबलय् निसें ज्या न्ह्याकादी ?**

न्हापा किपुली स्वयाकें नं लालपूर्जा मदु । धाय्गु खःसा जिगु छैय् नं लालपूर्जा मदुगु खः । जब २०५६ सालय् नेपाली कांग्रेसया तीर्थराम डंगोल उम्मेदवारी बियादिल । उगु इलय् जिमिसं किपु बासीया लालपूर्जायात कयाः छगू तःधंगु एजेन्डा कथं कया । उगु इलय् वय्कलं थः निर्वाचित जुल धाःसा लालपूर्जाया नितिं कुतः याय्गु धकाः बचं नं बियादीगु खः । वय् कलं निर्वाचित जुइधुंकाः छुं ला लिपा आयोग गठन जुयाः ९० प्रतिशत किपुया जनतायात लालपूर्जा बीधुंकूगु दु । आः ल्यें दनिगु स्ववासीयात नं लालपूर्जा बीगु नितिं जिमिसं कुतः याय्गु जुइ । फयांफछि आयोग गठन यानाः ल्यें दुपितं लालपूर्जा बीगु कुतः याय्गु जुइ ।

➡ **किपु नगरपालिकाया शैक्षिक विकासय् छु याय्गु योजना दु ?**

थौकन्हय् देय्न्यंकं शिक्षाया विकास जुयाच्वंगु दु । यदि किपु नगरपालिकाया सुं नं जनतां आर्थिक अभावया कारणं शिक्षा काय्मफइगु अवस्था दुसा उकियात समाधान याय्त जिं तयार दु । थन दुगु शैक्षिक क्षेत्रया विकासया नितिं जिं कुतः याय्गु जुइ । लिसे थन गुलि नं सामुदायिक विद्यालय दु उकिया स्तर उन्नती याय्गु जुइ लिसें थन दुगु निजी विद्यालयया शैक्षिक स्तर थकाय्त नं जिं ज्या याय्गु जुइ ।

➡ **अन्तय् छितः निर्वाचित याःपिं जनतायात छिं छु धयादी ?**

जिं सकलें किपु नगरवासी दाजु किजा, तता केहें, मां बा पिं लिसे पत्रकार पासापिं, बुद्धिजीवि, शिक्षाविद्, संस्कृतिविद् थीथी धर्मावलम्बीत लिसे जि स्वापू दु । वय्कःपिं सकस्यां ग्वाहालिं हे जि निर्वाचित जुगु खः । वय्कःपिंत जिं दुनुगलनिसें आभार प्वकूसें सुभाय् देछानाच्वना । वय् कःपिनिगु मतया कदर यासें जिं मेयर साहेब मखु जि जनताया सेवक जुयाः ज्या याय्धकाः बचं बियाच्वना ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

भर्ना चाल !

शैक्षिक दँ २०८१/८२ नेपालभाषा एम.ए भर्ना चाल !

नेपालभाषा एम.ए ब्वनादिसँ । ब्वकादिसँ ।

नांदुतिना : नैसं १९४५ थिंलागा १२ तक (२०८१ पौष १२ गतेतक)
दबल दस्तुर : नैसं १९४४ पोहेलाख्य ४ तक (२०८१ पौष १९ गतेतक)

स्वापू

त्रिवि, नेपालभाषा केन्द्रीय विभाग

पाटन संयुक्त क्याम्पस परिसर, यलधवावा, यल

डा. राजनलाल जोशी 9843617619
जीवनकुमार महर्जन 9841797038
दिपक संजेल 9851091517
015268494

गद्यगुरु पं. निष्ठानन्द बुदिं हन



लहना वा:पौ/ गद्यगुरु पं. निष्ठानन्द वज्राचार्यया बुदिं थीथी ज्याइव: याना: हंगु दु। ओलम्पस क्लबया ग्वसालय् गद्यगुरु पं. निष्ठानन्द वज्राचार्यया १६८ क्व:गु बुदिं हंगु ख:।

गद्यगुरु वज्राचार्ययात प्यंग: थां मध्ये छग: थां कथं काय्गु या:।

ज्याइव: ओलम्पस क्लबया नाय: लिसें नेवा: देय् दबूया नाय: पवित्र वज्राचार्य सभापतिया आसनय्

च्वना: लसकुस न्वचू बियादिसें थ:गु नुग: खँ नं तयादीगु ख:। बुदिंया लसताय् निष्ठानन्द स्मृति गुथि व ओलम्पस क्लबया मंका: ग्वसालय् ओमबहा:या न:बहिलिइ च्वंगु पण्डित निष्ठानन्द वज्राचार्यया इवाताय् स्वां देछायेगु ज्याइव: जुगु ख:। उगु ज्याइवल्य् मूपाहाँ कथं नेपालभाषा केन्द्रीय विभागया नाय: डा. राजनलाल जोशीपाखें पं. निष्ठानन्दया कृतियात कया: चर्चा यानादीगु ख:। ग्वसा: खल: ओलम्पस क्लबया न्वकू ज्योति शाक्यं न्ह्याकादीगु ख:। ज्याइवल्य् आपालं भाषासेवी व साहित्यकारपिसं ब्वति का:गु ख:।

मंका: खल:या अध्यक्षय् रमेशमान पिया

लहना वा:पौ/नेपालभाषा मंका: खल:या स्वक्व:गु त:मुँज्या जुगु दु। नेवा: न्ह्यलुवा: लिसें मंका: खल:या न्वकू मल्ल के. सुन्दरया सभाध्यक्षताय् जुगु त:मुँज्यां सर्वसम्मत कथं नाय: पदय् रमेशमान पियायात ल्य:गु दु। त:मुँज्यां न्वकू पदय् बालकृष्ण प्रजापति, छ्याञ्जेय् राजा शाक्य, दांभरी अमेश वज्राचार्य ल्य:गु ख:।

अथेहे मू दुजलय् महेशमान डंगोल, माधवप्रसाद श्रेष्ठ, ज्ञानेन्द्र मानन्धर, प्रतापमान शाक्य व रविनदास मानन्धरयात ल्य:गु ख:। त:मुँज्याय् रामशरण डंगोलया अध्यक्षताय् निर्वाचन कमिटी नीस्वंगु ख:सा उगु निर्वाचन कमिटीं सर्वसम्मतिं पदाधिकारी ल्यय्गु ज्या जुगु घोषणा या:गु ख:।

थ्वहे इवल्य् यल मंका: खलकं वंगु शनिवा: ४५ क्व:गु बुदिं



लसताय् तुच्चा ज्याइव: याना: हंगु दु। अनौपचारिक रुपय् हंगु बुदिंया इवल्य् संस्कृतिविद् लिसें मंका: खल: यलया संस्थापक नाय: छत्रबहादुर कायस्थ, पुर्लापिं नाय: डा. पुष्पराज राजकर्णिकार, भुवनेश्वर जोशी, जुलुम चित्रकार, सुरेश प्रधान व सल्लाहकार विपिन चित्रकारपिसं मंका: खलकं आ: याय्मा:गु ज्याया बारे सुभाब

बियादीगु ख:।

उकथं हे ज्याइवल्य् मंका: खल:या पुर्लांह सचिव लिसें गुथि प्रमुख प्रशासक किरण शाक्यं मंका: खल:या इतिहास हुइगु कुत: जुयाच्चंगु धासें उकियात ल्यंकेत मा:गु ज्याइव: याय्मा:गु सुभाब बियादीगु ख:। ज्याइव: मंका: खल:या अध्यक्ष हेरारत्न महर्जनया सहजीकरण यानादीगु ख:।

गथु पुच:या तुच्चा ज्याइव:



लहना वा:पौ/गथु पुचलं नेपाल संवत ११४५ न्हूदँया लसताय् तुच्चा ज्याइव: लिसें गथु पुच:या पुर्लापिं दुज:पिं व पासापिनिगु दथुइ भित्तुना कालबिल ज्याइव: या:गु दु।

गथु पुच:या पुर्लापिं दुज:पिं दथुइ ता: ई लिपा सहलह ब्याकेगु कथं जुगु तुच्चा ज्याइवल्य् गथु पुच:या पुर्लापिं दुज: पूर्वमन्त्री न्हूदँ समारोह समिति ११४५ या नाय: राजेन्द्र प्रसाद श्रेष्ठ,

पुर्लांह यँ महानगरपालिकाया मेयर केशव स्थापित, नेपा: राष्ट्रिय पार्टीया नाय: डा. विजय सैजुलिसें थीथी व्यक्तिपिं उपस्थित जुगु ख:।

ज्याइवल्य् गथु पुच:या न्वकू केशरत्न शाक्यं न्ह्याकादीगु ख:सा ज्याइवल्य् पुच:या न्हापाम्ह नाय: पुण्यरत्न वज्राचार्य, कविन्द्र रिमाल, दीपेन्द्र माय्केपिसं तुंग: खँ तयादीगु ख:।

किपा ब्वज्या याय्त चीन वन



लहना वा:पौ/राष्ट्रिय समाचार समिति (रासस) या फोटो पत्रकार लिसें राष्ट्रिय फोटो पत्रकार समूह (एनएफपिजे) नेपा:या नाय: प्रदीपराज वन्त नेतृत्वया १४ म्हेसिया फोटोपत्रकार पुच: किपा ब्वज्याया निंतिं चीनया सान्तोड वंगु दु।

पिन्चाओ फोटोग्राफर एशोसिएसनया ब्वनाय् एनएफपिजेया

पुच: उखे वंगु ख:। चीनया फोटोग्राफर सु छुई व नेपा:-चीनमैत्री संघ जाना: यायेत्यंगु 'सान्तोड सांस्कृतिक सप्ताह व मनमोहक नेपा:' किपा ब्वज्याय् नेपा:या पर्यटन लागा, तजिलजि, जीवनशैली व विविधता जा:गु सच्छिपा: किपा सान्तोड प्रान्तया थीथी सहरय् लच्छिक्क ब्वइगु ब्वज्याया कजि सुनिल शर्मा धयादीगु दु।

बौद्ध विद्वान कृष्णकुमार प्रजापतियात हन

लहना वा:पौ/नगदेश बुद्ध विहारय् मध्यपुर थिमिइ नेपाल राष्ट्रिय ज्ञानमाला समिति अन्तर्गत भक्तपुर जिल्ला क्षेत्रीय उपसमितिया खुक्व:गु पलिस्था न्हि हनेगु लिसें बौद्ध विद्वान कृष्णकुमार प्रजापतियात हंगु दु। भक्तपुर जिल्ला क्षेत्रीय उपसमितिया संयोजक गणेशराम प्रजापतिया सभापतित्वय्

जुगु ज्याभवलय् श्रद्धेय अनागारिका गौतमी गुरुमानं पञ्चशील प्रदान यानाबिज्या:गु ख:। मू पाहाँ नेपाल राष्ट्रिय ज्ञानमाला समितिया अध्यक्ष एवं वरिष्ठ गायिका रमना श्रेष्ठ सुकुन्दाय् मत च्याका: ज्याभव: उलेज्या यानादिसें बौद्धविद्वान कृष्णकुमार प्रजापतियात दोसल्ला न्यय्का ताम्रपत्र ल:ल्हाना: हंगु ख:।

यल दरबारय्...

यल भैसेपाटीया चन्द्रश्याम डुङ्गेलं ल्वहंया मूर्ति निर्माण याना: द्वहलपा कथं सङ्गहालययात ल:ल्हाइगु जानकारी नं वय्कलं बिादिल।

संग्रहालयया प्रमुख लाखेया कथं न्हूगु थप जुगु कक्षय् कला उपहार कथं विउपिं सकसितं उलेज्या ज्याभवलय् सम्मान याइगु जुगु दु। संग्रहालयय् कलात्मक मूर्तिलिसें मेमेगु ऐतिहासिक सामग्री तयातयागु धासें पूर्ण ल्वहं व सिंपाखें मूर्ति गथे याना: दय्केगु धइगु प्रक्रिया प्रदर्शनीइ मदुगुलिं थ:पिसं क्वथा विस्तार याय्त्यनागु

खँ कनादिल।

न्हूगु कक्षय् थप जुइगु कलात्मक ब्वज्यां परम्परागत कला व संस्कृतिया संरक्षण व प्रवर्द्धन याय्गु नापं आन्तरिक व बाह्य पर्यटकतय्त परम्परागत सीपया अध्ययन याय्गु ह्व:ता: चूलाकिगु प्रमुख लाखें धयादीगु दु। वय् कलं धयादी, 'संग्रहालयय् छता हे पह:या ऐतिहासिक सामग्री खना: पर्यटकतय्त म्हाइपुइगु स्वाभाविक ख:। उकिं न्हूगु कलात्मक ज्वलं थपे याना: संग्रहालयया आकर्षण अप्वय्केगु व पर्यटन प्रवर्द्धन याय्गु योजना दयेका:गु दु।'

मंसिर २९ गते न्यू जेनिथ दिवस हनीगु



लहना वा:पौ/न्यू जेनिथ इङ्गलिस मोडल स्कूल थ्वहे मंसिर २९ गते न्यू जेनिथ दिवस हनीगु जुगु दु। सुथसिया ११ वजेनिसें न्ह्याइगु दिवसया लसताय् थीथी न्ह्यइपुगु ज्याभव:तलिसें थीथी कासा व ब्वनामिपिनि प्रतिभा प्रदर्शन याइगु जुगु दु।

वंगु दँय् थ:गु रजत दँ हंगु ब्वनेकुथिं थुगुसीनिसें दिवस हनेत्यंगु ख:। वंगु शुक्रवा: ब्वनेकुथिइ हे छगू प्रेस मीट ग्वसा:ग्वया: ज्याभव:या वारे कनादिसें ब्वनेकुथिया संस्थापकलिसें प्रधानाध्यापक राजु महर्जनं सुथसिया ११ निसें १ वजेतक

ब्वनेकुथिया ब्वनामिपिनिपाखें थीथी सांस्कृतिक ज्याभव: न्ह्यब्वइगु, ब्वनामिपिनिपाखें अर्केष्ट्रा प्रस्तुती, नांजा:म्ह म्ये हालामि समीर श्रेष्ठ व सुरज एण्ड द अल्लारेज व्याण्डया विशेष प्रस्तुति दइगु खँ कनादिल।

दिवसया लसताय् थीथी नेवा: नसातवँसा व देछा ज्वलंया स्ललत, फेस पेन्टिङ्ग, थीथी सिरपा:लिसेंया कासा, विज्ञान प्रदर्शनी, कला व हस्तलेखन प्रदर्शनी दइगु खँ कनादीगु दु।

दिवसया लसताय् जुइगु ज्याभवलय् सुरक्षा व्यवस्थाया निंतिं नेपाल प्रहरी व ट्राफिक व्यवस्थापनया

निंतिं ट्राफिक प्रहरीलिसे समन्वय जुयाच्चंगु कनादीगु दु।

दिवसया लसताय् जुइगु ज्याभवलय् भ्राइपिन्त फयाफछि सवारी साधन मछ् यलेत प्रधानाध्यापक महर्जनं इनाप यानादीगु दु। दिवसया लसताय् थ्यंमथ्यं न्याद्र:म्हेसिनं ब्वनेकुथि चा:हिलीगु वय्क:या अनुमान दु।

विद्यालयं दिवसया जानकारी मूलक पर्चा नं जारी या:गु दु। गुगु पर्चा ज्वना:व:पिन्त नि:शुल्क प्रवेश जुइसा मेपिनिगु निंतिं १० तका प्रवेश शुल्क क्व:छिनात:गु दु। ब्वनेकुथि चा:हिलेत वइपिनिगु निंतिं नेवा: नसात य:मरि, चतांमरि, समयवर्जिलिसें पानीपुरी, मम: आदि नसाया स्ललया व्यवस्था दुसा य:मरि दयेकेगु तालिम नं जुइगु खँ सीदुगु दु।

ज्याभव:या व्यवस्थापन ब्वनामिपिनिपाखें जुइगु जूगुलिं थुकिं उमिसं ज्याभव: व्यवस्थापन गुकथं याय्मा: धइगु सय्के खनीगु नं वय् कलं कनादीगु दु।

नेपाःमिपिनि तःजिगु नखः यःमरि पुन्हीया लसताय्
सकल नेपाःमिपिनि भितुना देछानाचवना ।



डा. महेशमान श्रेष्ठ
नेवाः न्ह्यलुवा



नेपाःमिपिनि तःजिगु नखः

यःमरि पुन्ही व

२१ क्वःगु राष्ट्रिय ज्यापु दिवसया

लसताय् सकल नेपाःमिपिनि

सुख, शान्ति, समृद्धि एवम्

उत्तरोत्तर प्रगति

जुइमा धइगु मनंतुसं भितुना



दाईजो प्रथा निरुत्साहित गरौं

- चल, अचल सम्पत्ति, दाईजोको रुपमा माग गर्नुहुदैन,
 - लेनदेनको शर्त राखी विवाह गर्नु/गराउनु हुदैन,
 - विवाह गरी सकेपछि चल, अचल सम्पत्ति वा दाईजो माग गर्नु हुँदैन,
 - दाईजो नदिएको कारण यातना दिने वा अमानवीय वा अपमानजन्य व्यवहार गर्नु हुदैन,
- यस्ता कार्य कानूनबमोजिम दण्डनीय छन् । यस्तो गरेको पाइएमा स्थानीय प्रशासनमा खबर गरौं ।
विवाह जस्तो पवित्र बन्धनलाई लेनदेनको विषय नबनाऔं ।



नेपाल सरकार

विज्ञापन बोर्ड

२१ क्वःगु

राष्ट्रिय ज्यापु दिवसया

लसताय् सकल नेपाःमिपिनि

सुख, शान्ति, समृद्धि लिसं उत्तरोत्तर प्रगतिया

कामना यासं भितुना देछाना चवना ।



मंगलकृष्ण सिंह

अध्यक्ष एवम्

ज्यापु संस्कृति विकास कोष

सम्पूर्ण परिवार



छत्रपाटी निःशुल्क चिकित्सालय (अस्पताल)

'स्त्रीय शुलभ स्वास्थ्य सेवा सकसिया निति, असहायता निति जक निःशुल्क'

उपलब्ध सेवा

२४सै घण्टा सेवा

- ईमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मोतिबिन्दु
- जनरल चर्जरी
- नाक बाल घाँटी सम्बन्धि
- हाडलेनी तथा नसा सम्बन्धि
- शिशु चिकित्सा रोगको पन्धर सम्बन्धि

बहिरंग सेवा

- मुटु रोग
- पेट रोग
- यूरोलोजी
- स्त्री रोग
- बाल रोग
- क्यान्सर रोग
- दन्त रोग
- आँखा रोग
- जनरल मेडिसिन
- धमन तथा यौन रोग
- नाक बाल घाँटी रोग
- जनरल हेल्थ चेक अप
- वाइरोइड
- मधुमेह

मेमेगु सेवा

- ड्रेसिङ
- इण्डोस्कोपी
- कोलोनोस्कोपी
- फिजियोथेरापी
- भ्रूणमाउण्ट, कनर टुपनर र इको
- यूरोपेली स्तरको दन्त प्रयोगशाला
- टिएम.टी. हल्टर



२४ घण्टा
ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९